

## 2 TIMOTI

Mi iya Pol siya maeyauwa mi biye mriiya saiir hirar niki hugripkikikaiyin om komii Rom hir, mi siya ta yokwowa pasta Timoti siiram in ha winkikin. Mi iya Pol siya hiriinan kigninokninkinin siir naoni iya ini kingiin nwowa, mi siya Timoti siirsi naingwoyimiyokin mi siya ta yokwowa mhoiyana asi swoki winkikin Timoti siir boinkiyam hinin siyiu iikamim naingwo tibmiyim om Efesas hiranim simiir kigriraowiyin. Iriig.

<sup>1</sup> Kara Polkin kara Krais Jisis siir yai naboimamauuan inkamkin. Adi Komii krimiir Wanin siya nikropkikin kariirin siir yai aiir napboimamauuam iikam whiekakim hinda tindanim simiir. Ti kwoinbudin omwai waiyayokiyokiyin siya nimbini tibmii kimaigiyin iikam yipiki Krais Jisis siiram naingwo tibmii mi wi simiir hauugi.

<sup>2</sup> Timoti kira ini kariir yinisimnan ywowin. Mi kara ta yokwowa kiriiram winkika. Adi Komii siya mi Krais Jisis krimiir Biyan Inkam Komii ieya, sowa nwoki hauugiyim naingwobumbu mi naingwoyimiyok mi kwoinin nongwomamair aei ikin. Iriig.

*Krima yai win kibiya saiirsi kipi kaiyirou*

<sup>3</sup> Kariir yidiwi wanwiyaeyim sima Adi Komii siir siyiu iirar napkim mi an kara wi siirar mi api. Siya kara kiriiram naingwowin mi kara Adi Komii

siiram boin wadieki kiriiramın. Mi kara ni nabe kiriiram sriigin.

<sup>4</sup> Mi iya kara kiriir haiburgigin mi kara ina swoki aingwowoknakiyin, iya kiriir ouwoba saeya griekiinaiiniya. Mi kara kiriir kignakiyam naingwowi mi kariir maigimaigra wi prasae nwo rani.

<sup>5</sup> Kara ina ninokninkinin, wa kiriir naingwo tıbmıya kaimwowaigra, nıksıae rani. Ta hiriinan naingwo tıbmıya bıya kiriir apaiya Lois saeya hiriinana sair nwoki haiga mi kiriir apua Yunisa iripi hiriinan. Mi an kara ina ninokninkinin ta hiriinan naingwo tıbmıya, kiriir waraurin ina mi owa.

<sup>6</sup> Mi kara kiriir kwoin iir asi swoki hıurworwokaigi. Ta mıya kira ninokninkina Adi Komii siya prihauugiya kiriir, siya kara siiram sriıya mi kariir ina ha nonkwowa kiriir piu aıir mi kira ta mıya siya prihauugiya kira ninokninkina, kira sairin sibgu donkworınukripkai mi saeya wi paenan hiriyar diudkripkai, wi niutinginan kipi nwo.

<sup>7</sup> Whısarii rani, Adi Komii siir naeyıuin krimiirin nıdid kwoin bi hauugin. Nıngaka. Siya krimiirin kirie hauu haiginıugin. Mi siyıuin iikamın naingwokwo nanaeyin siirin wara mi inkin hauugi. Mi siyıu biyeyin inkam niyopakayıu karam nwowiyin siirin warar mi inkin hauugi krimiirin.

<sup>8</sup> Mi kira nımwo wi kipi kaiyırou Biıyan Inkam Komii siir yai aıir boınmımausiyin, an kara omaka hıuyokiyokaiya sair hir nwokai inkamkin mi kira nımwo kariirsi kipi kaiyırou. Mi kira Adi Komii siir kirie sair hiriir dikpitkikripkai.

Mi kiriirin wɛ siya nwokɛ whɛnwo haigɛnuwi hik kanaka haiyam, siir yai wɛn kibiya saiir boimimauuam.

<sup>9</sup> Krimiirin Adi Komii siya nanmaiwarkainakin mi siir iikam asi nwokin. Mi siya krimiirin mi miya krɛma miriia saiirsi bi nanmaiwarkainakin. Nɛngaka. Siir naingwobumbuwa saeyar nanmaiwarkainakin krimiirin. Bidi bidiniyarɛn, iya Adi Komii siya nu ninomor sowira nonkwokwowɛn mi siya Jisis Krais siiramɛn nua krimiiram tiri nikrop iuungiyamɛn saiirar nimbɛn tibmii kimaigɛn.

<sup>10</sup> Adi Komii siir naingwobumbuwa krimiir hauugiya mi tariinanɛn inkamɛn krimiir nanmaiwarkaina haiiyɛn Jisis Krais siya idowiiya bidi yimbiniyɛn. Mi krɛma Adi Komii siir naingwobumbuwa saiir asi ninokninkini. Mi krɛma tariinanɛn kwoɛnbudɛn omwai waiyayokiyokiiyɛn, siir siyɛu miyik iir asi ninokninkinkini. Ta yai wɛn kibiya krimiirin saeyar nowomwarkaiyɛu haigɛnugim.

<sup>11</sup> Kariirin Adi Komii siya nɛmbingikɛn aposel inkam nwowam, ta yai wɛn kibiya saiir napboɛnmamauuam. Mi kara yai napboɛnmamauuan mi nowomwarkaiyɛuan inkam asi nwokin.

<sup>12</sup> Mi kara hiriinan miya hik saiirsi asi haigɛn. Mi kara nimwo saiirsi bi kaiyɛrougɛn. Nɛngaka. Mi kara ina ninokninkinɛn mi ina naingwo tibmiiyɛn siiramɛn. Ta miya siya hauugiya, siya saiirɛn wa kigriraowi mi saeya wɛ biyɛ nwo rani, wɛ hiriyar namyokiyokii. Mi wɛ ta ii komiia siya swokɛ itana, wɛ saiirar nadigɛnuwi.

<sup>13</sup> Ta yaiya kara nowomwarkai haiginiuwa kariir kira saiirin sibgu wakaeyokna mi wi sibgu donkworinukripkai. Ya tariigina ya hindara nisisimauu haiginugika kariirin. Mi kira Jisis Krai siiramar daingwo tibiikikin. Mi kira wi iikam whiekakim simiiramar daingwo irkak. Dimusi rani, kira ini Jisis siir isid ywowin.

<sup>14</sup> Mi ta Adi Komii siir yai win kibiya Adi Komii siir naeyuin siya hauugiya krimiir mi kira saiirin sibgu donkworinu.

<sup>15</sup> Kira bidi ynokninkinin, nu komii Esia hiran iikam whiekakim sima kariir bidi haiburgigim mi ti inkam nwisu, Fiselas mi Hemosenis yo iripi hariinan kariir bidi mi haiburgigo.

<sup>16</sup> Kara ha naingwowi Biyan Inkam Komiiyin siya Onesiforas simiirniyin igi haigi idwokaigi. Mi ii kasa rani, siya kariir nikpimpitmai haiginiuwun. Mi siya nimwo kariirsi bi kaiyirougin. Kara ti tir nwokaiyin, ta omaka huuyokiyokaiya saiir. Niingaka.

<sup>17</sup> Fiya siya om komii Roma tiriir natin mi siya minan napmariiyokiyokinikin kariiramun mi ini kariirar ini kigniyin.

<sup>18</sup> Kira bidiya iki inokninkinin digworaekwo whiekakim iikamim naingwo tibiimiyim simiir hauuwim iya kara om Efesas hir nwowa saiir mi kara ha naingwowi, Biyan Inkam Komii siya siirsi daingwoyimiyok, ta ii komiyya siya tiriir swoki itana. Iriig.

## 2

*Kira Krai Jisis siir sau nimbignan inkam kibi*

*dwo*

<sup>1</sup> Hae Timoti! Ti kariir yinisimin krīma ini Krai Jis siir isid ywowin. Mi kira ta siir naingwobumbuwa sairin sibgu donkworinukripkai. Dimusi rani, kira ini siir isidin siir ywowin mi kira wi kiriyar dwo.

<sup>2</sup> Mi kira bidiya wakaekiyin yai whiekakim kara nowomwarkaiyuim, iikam whiekak nhirim naingwo tibmiiyim simiir. Mi ti hiriinan siyuin kira wi siir tir, kamim wi kariir nwoki kig ninokninkinim. Mi sima wi Krai Jis siir mi aiir sibgu mirii. Mi yim sima iriipi hiriinan wi iikam nhirim simiir mi owomwarkaiyuami.

<sup>3</sup> Kira Krai Jis siir sau nimbignan inkam miyik dwo. Mi iya kira hik haiiyim kira Krai siir isidin krīma haiya sair hiriinanar timi hai. Mi kira wi haimni hinin kipi krii.

<sup>4</sup> Mi inkamin sau ninitan inkam nwowi mi siya oman miipai miipaiyim simiirin wara kipi nonkwo. Ningaka. Mi siya inkamin siir bi nwowiyin, siir yai aiirarar wakaeyokna iski. Mi siir biyan inkamin wi ogmwomir karam nwoki.

<sup>5</sup> Mi inkamin ig ninkikin iwiti bi niwit okwowam mi siya ta gwowa sair siyu iirara sibgu ap. Mi siya hiriinan tir karam nwowi siirin wi kauriirgi.

<sup>6</sup> Mi inkam numir numira niyok ninkin nanaeyin sasae wai kwowi mi bi wi siyar ningugae.

<sup>7</sup> Mi ti boiniyo yai kwoimim kara boinkiyim kariir, kira sibgu donkworinukripkai, kira wi kipi naingwo owou. Mi krimiir Biyan Inkam Komiiyin kariirin wi siyar nwoki hurworwokai haiginuwim, ti boiniyo yai kwoimim simiirin.

<sup>8</sup> Mi kɪriir kwoinɪn Jisɪs Kraɪs siya naonama mi siya swoki isiin idwowa ie hirankɪn saiirɪmar daingwokwokripkai. Mi siya krɪmiir brougaeyɪn Devid, siir isidin siir hirankɪn nitkɪn mi ta yaiya kara boinmɪmauugiya mi saeyairga yai win kibiya.

<sup>9</sup> Mi ta yaiya kara boinmɪmauua mi sima kariirin saiirsi nonkwobumbunɪnkɪn haiginɪugim, inkam biyenɪn nwowam. Mi kara omaka hɪuyokiyokaiya saiir asi nwokaigin. Mi kamɪm ta yai win kibiya io saiir kwowiyɪm mi kariirin sima hiriinansi hɪugripkɪkikaigin. Mi kara ta omaka hɪuyokiyokaiya saiir asi nwokaigin. Mi sima wi kariirara hɪugripkɪkikaii mi Adi Komii siir yaiya, saiirin wi wara nikidu rani. Nɪngaka.

<sup>10</sup> Mi iya sima kariir nonkwobumbunɪnkɪn haiginɪuwi mi kara saiirsiyɪn wi nidid rani. Nɪngaka. Kara wi hirii hiriyar miriyokiyokiyami. Dimusi rani, tiriiginɪn wi iikamɪm Adi Komii siya nibingiyɪm siir iikam nwowam wi simiir nwoki whindiriraerar haiginɪuim. Mi yim sima iriipi hiriinan wi Jisɪs Kraɪs siirim nwoki aingwo tibmiiyɪm. Mi wi ti kwoinbudɪn omwai waiyayokiyokiiyɪn wi siir nwoki haiyɪm mi sima wi saika nwowi om kibiyɪn nii nwo karam nwowiyɪn siir hirɪn.

<sup>11</sup> Ta yaiya iikam whɛkakɪm krɪmiir boina, yai kaimwowaɪrga, iya krɪma ta Kraɪs Jisɪs siir mi aiirsi haii hik mi ha naonami ya dimɪn karamaeka, mhoiya krɪma wi kwoinbudɪn omwai waiyayokiyokiiyɪn wi siir swoki hai, siir hiriinan mi krɪma wi saika nini owouwi.

<sup>12</sup> Mi iya krɪma hirii hiriyar tiriokiyokiyami mi

mhoiyya krɪma wɪ saɪkar nɪnkɪn owi, digworaekwo whɛkakɪm sɪmiir kɪgɪrkakam. Mɪ iyya krɪma siirɪn digɪumii haimriiyugigi mɪ yɔ siya krɪmiirɪn wɪ hɪriinan digɪumiiyar mɪ haimriiyugigi.

<sup>13</sup> Siya krɪma Adi Komii siir nɪmbin mɪhɪumɪuwiyɪm mɪ siya krɪmiirɪn bɪ nɪmbin mɪhɪumɪuwikɪn. Nɪngaka. Siya nɪmbiniyɪm, pɪ kaimwokɪnar nwoyokiyokiyami mɪ siya siyar bɪ swokɪ iksisaeikɪn. Nɪngaka. Iriig.

*Inkamɪn Adi Komii siir mɪ aiir mɪrii nonkworɪnukrɪpkai mɪ siya wɪ ogmwomɪr karam nwowi siirɪn*

<sup>14</sup> Mɪ kira tɪ yayɪm sɪmiirɪn hɪrii hɪriiya boɪn naɪngwokrɪpkai iikam sɪmiirɪn. Mɪ Adi Komii siir whwonkam ɪda kira sɪmiir dokwao boɪnki, sɪma dimɪn sɪm whɪrɪn siir siirar kɪpɪ nɪnkɪnwamwarkɪ boɪn tɪkɪ hɪriinan siyɪuɪn siya iikam ɪmiirɪn wɪ mɪiyɪk nwowaigɪnɪu rani. Iikamɪm ta yayia saiir wakaeyɪm, sɪmiirɪn wɪ saeya kiyopsɪbgi haigɪnɪuwi.

<sup>15</sup> Mɪ kira Adi Komii siir mɪ aiir sɪbgu mɪrii mɪ siya kiriirɪn wɪ ogmwomɪr karam nwoki. Mɪ wɪ nɪimwo kaiyɪrou rani. Nɪngaka. Kira Adi Komii siir yaimwokɪyaimwowɪm sɪmiir nowomwarkaiyɪuwan inkam dwo.

<sup>16</sup> Mɪ kira kamɪm yayɪ bibiyɛ boɪniyɪm sɪmaka kingiɪn kɪpɪ nwo mɪ kira kamɪm dimɪn sɪmɪn siir siira mɪ ɪnkɪnwamwarkɪ boɪniyɪm sɪmaka kingiɪn kɪpɪ mɪ o. Tɪ hɪriinan siyɪuɪn siya inkam kiyopsɪbgikikaigigiyɪn dimɪn biyɛ tɪram mɪ ta sɪmiir dimɪn biyɛya wɪ komiiya nasae owouguski.

<sup>17</sup> Mɪ ta hɪriinan yayia ya ɪni paowai biyɛenan ywowa, wɪ komiiya nasae iyophwaekɪn taraoki.

Mi ti inkam nwiso Haimenias Failitas sowiir yaiya ya ini hiriinan ywowa.

18 Mi sowa ti inkam nwiso siyiumwoni sibgu apiyin siyiuin siir haiburgigo mi sowa yaimwoni bi sibgu owomwarkaiyugosimiirin. Mi sowa hiniina boin iikamim naingwo tibmiiyim simiir biyan siyu biyeyim bidi yaonamim mi simiir pugina ini Adi Komii saikar nwowim. Mi mhoiya sima swoki aonami simiir piuis biyeya ienau kikaigi mi sima wi swoki insiin idwo rani. Nningaka. Mi ta hiriinan yaiya, iikam nhirim simiir naingwo tibmiiya saeya kiyopsibgi haiginiuwi.

19 Minsika, Adi Komii siir isidin wi siir siyiumwowin wi siir haiburgig rani. Nningaka. Adi Komii siir isidin ini yinpaenan ywowim, siyar ninansiin okwokripkaigiyim mi sima wi hiriyyar nokwoyokiyokii. Mi dimin whirkim simiir kinankiuwi mi sima wi ganmi wanmi kin tani. Nningaka. Adi Komii siir isidin ta yaiya saiir hiriinanka. Mi yai nhirim Adi Komii siir Yokwo Komii aiir winkyim, hiniina win boinkikim Adi Komii siya siir pugan aiirin bidi yinokninkinin. Mi yai gwira siya winkyia ya hiniina boinkika iikam nhirim sima ha naingwowi nim krima bidi yaingwo tibmii kinim Adi Komii siirim mi sima siyiuin dimin biyie tiriyin, siirin wi ti haiburgig.

20 Ta yaiya hindara boiniyoka mi ta omaka komiia saiir yainaua, mobmirpai mobmirpaiyim ini hir nwokaiyim. Nhirim golni nonkwokwokim mi nhirim nuni mi nonkwokwokim mi nhirim kiriekim mi nhirim kirie rani, hinin hiniina nonkwokwo haigigim. Mi ti gol silvani nonkwokwowiyim, yim bimbuiwi rani. Mi simiirin wou



nikwo aeni iya sairara haigin aeikim. Mi ta pae nu mini nonkwokwowim yim dimin karamaeka, yi hiriayar prii haigin aeikim ii nninga nningam simiirin.

21 Mi inkamin siir dimin biyeyim simiirin digumii haimriiyugigi mi ti inkamin siya wi mobmir miyikim wi simiir hiriinan nwowi. Mi Adi Komii siya siirin wi mi miyik miyikim simiirara hauu haiginuwi siirima nwoki miriirim.

22 Mi kira inokinokin yainan whrankim tiri siyuun siirsi didamriiriid. Mi kira iikamim siyu miyik sibgu apiyim mi nimbini kisina karam nwowiyim mi iikam whiekakim naingwoirkakiyim mi kwoin hiinsima nwowiyim simaka ditinakiukripkai.

23 Mi yai priboin priboin ninkinwamwarki boiniyin siyuun, kira wi hiriinansi didamriiriid yim ti hiniin yayim simaigim yayiyam nhinaigin okwowyim.

24 Mi inkamin Biyan Inkam Komii siir mi aiir mirii mi siya wi io whwonkam kipi nanao iikam nhirim simiirin. Nningaka. Siya wi igi haigi idwokaigi simiirin mi mi sibgu nowomwarkaiyuan inkam nwowi mi siya wi inkam miuunan dwo.

25 Mi hiriinanki nuwi iikam nhirim siyu mwoni nap karam nwowim mi kira simiir nikaiginuwi mi kira simiirin wi igao yai kipi boin. Nningaka. Mi kira simiirin hiriinan tiri mi sima wi kiriir yai aiir wakaeyoknaei. Mi simiir mhi kwoinim wi nwoki imkpit haigiyim. Mi sima ta yaimwo aiirin wa ninokninkini.

26 Mi hiriinanki nuwi mi sima wa

sibgu ninomokninkinki. Mi ta hira, Setan siya hugripkikikaiya simiir wi simar nikwoyarkinani. Iriig.

### 3

*Iya digi mi siyu bibiyie whiekakim wa nimbiyami*

<sup>1</sup> Timoti kira ta yaiya saiir daingworinu kripkai, iya ti nu ie digiyana mi wi hik prasae prasae swoki imbiyam tani, iikam whiekak imiirin.

<sup>2</sup> Mi sima wi simamar naingwonaе mi simiir kwoinin wi umir siyar nonkwo kripkai mi sima wi simiir inig imiirar swoki hainani mi sima wi bigiriyir prasae kintani mi sima wi yopii adim simiir yai imiir wakaeyokna rani. Nningaka. Mi simiir kwoinin wi maingimainga nwo rani mi sima wi Adi Komii siirim naingwo rani. Nningaki, nningaka.

<sup>3</sup> Mi sima iikam nhirim wi whwoka whwoka sima nwo rani. Nningaka. Mi sima simiirsiyin wi naingwoyimyok rani mi sima wi simiir mi igbumbuwi mi sima wi kripii nanii saiir mi kigi. Mi sima iikamim simaka wi ninii nansao prasae kintani mi sima wi siyu miyik tir tani.

<sup>4</sup> Mi simiir nomiyauim simiirin wi wir sima napwouwi, omomin sau niniti iirin. Mi simiir kwoinim wi hindara niwit paomaiki mi sima wi simamar naingwonaеi. Mi wi om tir napmamairama naingwowi, wi miyam naingwo rani. Nningaka. Mi Adi Komii siirin wi digiumii haimriiyugigi.

<sup>5</sup> Mi sima Adi Komii siiramim nhinmi puargar kini, kwoinin nhinmi wara kintani. Nningaka. Mi sima Adi Komii siir kirieya saiirin pi yaewan mi

k̄ndiȳuwangigi. M̄i t̄i h̄iriinan kam̄im, k̄ira w̄i s̄imaka k̄ipi n̄itapiyoksr̄an. N̄iingaka.

6 M̄i t̄i kam̄im ini wiḡim hinda s̄ima s̄ima sibwomaeyamiȳim p̄i s̄imiir omaka im̄iir s̄ibii s̄ibiiyami. M̄i ȳim t̄i h̄iniin wiḡim s̄imiir kwoin̄im ini dim̄in biȳeȳim biya s̄ima niki tir̄im ini s̄imiirsiyar niki haigiȳiskaiȳim. M̄i s̄imiir kwoin̄im ini digworaekwo biȳeȳim s̄imiiramar naingwo kripkaiȳim. M̄i iya s̄ima t̄i wiḡim s̄imiir omaka namiȳim m̄i s̄imiirin yaȳim p̄i s̄imiir kwoinargar nini kinap itkaigai boin̄iuwi, s̄ima nwoki wakaeyoknam.

7 M̄i t̄i h̄iriinan wiḡim s̄ima iki kampai kampaiȳim s̄imiir yaȳim, s̄imiir wakae ninokn̄ink̄inamar naingwowi. M̄i s̄ima ta Adi Komii siir yaimwowa saiir ninokn̄ink̄inim w̄i dig nwo rani. N̄iingaka.

8 M̄i t̄i kam̄ h̄iniinim ini t̄i inkam nwiso Janis Jambris so h̄iniin ywowo. B̄idi b̄idiniyar̄in sowa Moses saika n̄ink̄inwaomwark̄igo m̄i t̄i kam̄im Adi Komii siir yaimwowa saiir̄in w̄i h̄iriinan t̄iri, saiir haiḡin ikwowaisiiyam̄in. M̄i t̄i h̄iriinan kam̄im, s̄imiir kwoin̄im miȳiki miȳiknan nwokai rani. N̄iingaka. Ini hindara sipimyokaeyam̄im. M̄i s̄ima bi naingwo tibmiik̄im. N̄iingaka.

9 M̄i ta s̄imiir miya w̄i h̄iriinar namyokiyoki rani. N̄iingaka. S̄ima w̄i t̄i h̄iriinan priiwhaowae siȳuin siir k̄igi biya t̄i inkam nwiso Janis Jambris sowa tir̄in, w̄i siir h̄iriinan t̄iri. Iriig.

*K̄ira ta Adi Komii siir yaȳi saiir̄in sibgu donkwo kripkai*

10 Mi tiriiginin yio kariir siyiu siir hiriinan tani. Niingaka. Ni kira siyiuin kara nowimwarkaiyiuwin siir napkin mi siyiu kara mi ap ikin. Mi diminin kira mi kigna diriraerariyim kariir kwoin iirar mi kira mi ninokninkin aka kariir naingwo tibmiya mi siyiuin inkam miuunan kara mi o ikin mi siyiuin kara mi naingwokwonanae ikin iikam whiekakam. Mi kariir siyiuin ganmi wanmi kara nwowiyin kira bidi mi ninokninkinin. Mi ti hiriinan siyupai siyupaiyim kara bidi mi ninokninkinin.

11 Sima kariirin siyiumwoni bi tir winkim mi kara hik kimpipisu prasae bi mi haigin, ti om whoim imiirin, om Antiok mi om Aikoniam mi om Listra hirin. Mi hiriinan siyiuin sima tirwinin kariir, ha kipi naingwo siya whwoimoniki mi iuwi. Niingaka. Kirie waiwiigin kariirin Biyan Inkam Komiiyin siya hiri whinkinsiis naowid.

12 Mi iikamim iga hinda tinda nokwo karam nwowi mi sima siyiu miyikin naingwo tibmiyin siir sibgu api mi yim sima ta hiriinan hik kimpipisuwa wi wara ninkin hai.

13 Mi iikam biyie biyeyim mi kamim mwrakboini ikim simiir siyiuin wi hiriyar tiryokiyoki mi wi komiia nasae owouguski. Mi simiirin wi Setan siya mwrakboini mi yim sima iriipi hiriinan, wi iikam nhirim simiir mi mrakboini.

14 Minsika! Ta yayia kirar wakae mi ha naingwo tibmiya, kira saiir wi kipi naingwo owou, kira wi saiir saiira daingwonanaekaigi. Kara bidi yinokninkinin iikamim kariir nowimwarkaiyiuwin, sima bi niksisaekim.

Niingaka.

<sup>15</sup> Mi iya kira yinisim sapisapa niki owin ti siyiu iirin mi kira Adi Komii siir yaiya Yokwo Komii nwowa ha wakaekin. Mi kiriirin ninokninkin miyik saeyar sibgu ninokninkin haiginuagin, siyiuin Jisis Kraiis siirim naingwo tibmiyin mi kira naingwo tibmii kini mi kiriirin wi siya nwoki nanmaiwarkainam.

<sup>16</sup> Adi Komii sikisiyar boinkikin ti yai whiekakim Yokwo Komii saiir nwokaiyim iikam imiir nowomwarkaiyuwam mi iikam imiir nisiimauuwam simiir dimin biye imiir mi simiir sibgu grabaiginuam mi siyiu miyik simiir nisiimauuwam sima tiram.

<sup>17</sup> Mi Adi Komii krimiir Wanin siir iikamim ti siyiu iir wakaeyokna api mi sima wi mipai mipai kibi kasa mirii rani, Adi Komii siiram. Iriig.

## 4

<sup>1</sup> Mi Kraiis Jisis siya wi iikamim naokaowim mi iikamim irkak piu nwo ikim, siya wi simiir nauni hidni. Mi kira wi kipi naingwo owou mimin, wi hiriyar daingwokwo kripkai. Kraiis siya wi sipi swoki iti digworaekwo whiekakim simiir kigirkakam. Mi Adi Komii krimiir Wanin siir whwonkam ida mi Kraiis Jisis siya kara kiriirin igao yai asi boinkikin.

<sup>2</sup> Kira inokinokin Adi Komii siir yai aiir ti boinmimauuwam. Mi kira ii miyik arar kipi boinmimauu mi ii biyeya kira kipi nwokiyyu. Niingaka. Iikam whiekakim kiriir yai aiir wakaeyim, simiirin kira ti boinmininkin haiginu. Mi simiirin kira hirii hiriyi ti whinkinsiis haiginu.

Mi kira simiir inkam miuunan dwo mi kira simiir nowimwarkaiyuwim kipi piyao.

<sup>3</sup> Iki ii nhirim mhoiya nimbiniyamanim mi iikam nhirim sima wi ta yaimwokiyaimwowa saiir wakaeyim wi pi boriisopi. Mi sima wi yaeya inkamam hansiri, simiir nowimwarkaiyuwam. Mi diminin sima naingwowyin mi sima wi simiirarar dowomwarkaiyu.

<sup>4</sup> Mi simiir wiinim wi pi kibnami, ta yaimwowa saiir wakaesiyin. Mi simiir wiinim wi amara ti yidiwi wanwiyaemi niwiiyim simiiram nnowi, simiir wakaeyam.

<sup>5</sup> Mi kirarin iinokiiinokin sibgu daingwokwokai diminpai diminpaियim nimbiamim simiirin. Mi kira nhwo kipi whwonkai, hik kimpipisu haisiyin. Niihgaka. Kira mi kibiya saiirara sibgu ap mirii, yai napboinmamauiwiya iikam whiekakim simiir. Mi kira saiirin haiimiiyara kipi kimakuna. Niihgaka. Iriig.

<sup>6</sup> Kara kiririn minsi boinkikin, kariir iya ini kingiin nnowa kara wi kapi naowi. Kariir miya ini kingiin nnowa, wi sapi digi. Mi kariirin sima nisomaowi mi kariir nhieya wi nua naokiinainami.

<sup>7</sup> Mi kara mi prasae bi miriigin Adi Komii siir mi aiirin. Mi tariinanin kara ninkikin iwitni hanin ikin dig bidi ywokiyin. Mi kara kariir naingwo tibmiya saiir bi kinisugin. Niihgaka.

<sup>8</sup> Kara ini kingiin nnowin wi kapi naowi. Mi miya kara miriia saiir digworaekwo miyik miyikim, yim ini ninomor kou hir hangiriyu haiginkwokinim. Mi sima kariirara rani. Niihgaka. Ti digworaekwowim Biyan Inkam

Komii siya haiginkwokinim, yipiki iikamim siir siyiu iir napim mi wi simiir hauuwi. Mi iikam whiekakim Jisis siirim naingwokwo nanaeyim mi iya siya nitana sairim mi naingwokwowim simiirin warargim. Mi wi Biyan Inkam Komii siyar sibgu ninomokninkin hid haiginuwi krimiirin. friig.

*Ta yai haimiya ya kiriramarar winkika*

<sup>9</sup> Kara ha naingwowi, kira ha witsisau kariir nini kignakiyamın.

<sup>10</sup> Ta yaiya kara boinkiya minsika! Dimas siya kariir bidi haiburgigin. Siya ti nuan siyupai siyupaiyim simiiram naingwokin. Mi siya om Tesalonaika hiriir asi namkin. Mi Kresensin yio nu Galesia hiriir yam. Mi Taitasin yio ini nu Dalmesia hiriir yamin.

<sup>11</sup> Mi kanaka tirin Luk sasa nwowi. Mi iya kira kariir nini kigniyam niti. Mi kira Mak siirin wi warar winkin boinani. Minsika! Kariirin mi siya nwoki whin mirii.

<sup>12</sup> Mi Tikikasin yio kara bidi yikropkiyin om Efesasa hiriir.

<sup>13</sup> Mi iya kira kariiram niti mi kira kariir yuisa kara kinirkingika om Troas Kapasni omaka sae, sairin wi warar winkin hainani. Mi yokwowa iriipi hiriinan. Mi yokwo mimirim kara win haingikim simiirin wi kipi naingwo owougik, yim wi warar winkin hainani.

<sup>14</sup> Mi Alesanda inkamin bras nonkwowiyin, siya kariirin siyiu miyiknan bi tirkin. Mi ti hiriinan siyiuin siya tirin kariir. Mi mhoiya wi Biyan Inkam Komii yamdi siya swoki tiri siirin.

15 Mî ni kira iriipî hiriinan, tî inkamîn sî-irsi timî idid. Siya minam tîri, ta yaiya krîma boinmamauuwiya saiir nikwowaisiiyîm.

16 Mî biiki biya kara ninî okwo boinîuwa, inkam komii yai hidiyîn om komii Rom hîranîn saika mî ta iya inkam nwrkîn kariir bi swokî whînkînsiis srankîn. Nîngaka. Sîma kanaka kingîin bi namasugîm mî kara pî boriisopi Adi Komii siya hik yamdi sîmiir hauuwîm ta sîma kariir haiburgiga.

17 Biyan Inkam Komiiyîn siya ini kinakar nwowîn mî kiriirîn kirîe siyar hauu haigîniugîn. Mî kara ta Yai Wîn Kibiya saiir boinmîmauusiyîn bi nididgîn, iikamîm Juda iikam tani sîmiirîn. Mî Adi Komii siya kariirîn omomîn sau kanaka nîitîyîn, wî sîmiir îin hîrankî asi nanmaiwarkainaei.

18 Mî kariirîn Biyan Inkam Komii wî siya nanmaiwarkainaki iikam whiekakîm kariir nonkwobumbunînkînam tîrîm sîmiir îinankîn. Mî ta iya siya digworaekwo whiekakîm sîmiir kîgîrkaki mî kariirîn wî siya nanmaiwarkainanami siir oma hîriir. Mî krîma îinokînokîn wî Adi Komii siir inîg îiir boin maîrgîmaîrgae. Mî ta yaiya, yai kaimwoka.

### *Nîkopkaigîyan yai aeya*

19 Mî kira Prîsîla mî Akwîla mî Onesîforas siir yînwig îma, wî sîmiir tîni boinîu, siya yaigîu kîmiiram hauugîkîn.

20 Mî Irastasin yîo ini om Korin hîr nwowîn. Mî Trofîmas siirîn kara om Mailîtas hîrîn dimusi bi haiburgîgîn, siya makakîn.

21 Mî kira wî kîpi nwokî nwo, wa ha wîtsau. Mî ni wî iya pankîn nwowiya sae pî nîtîsi. Mî Yubyulas



mi Pyudens mi Lainas mi Klodia mi nomiiyau  
nhir ikim, yim sima iriipi hiriinan, yaigiu kiriir mi  
hauugiyam mi tiri.

<sup>22</sup> Mi kara ha naingwowi, Biyan Inkam Komii  
siya wi kiriir paekwosimin saikar ninkin owi. Mi  
siir naingwobumbuwa iriipi hiriinan, wi kimaka  
mi inkin owi. Iriig. Kariir yaiya ini dig ywokiya.

**Yai Win Kibiya**  
**The New Testament in the Sepik Iwam Language of**  
**Papua New Guinea**  
**Nupela Testamen long tokples Sepik Iwam long**  
**Niugini**

copyright © 1989 Wycliffe Bible Translators, Inc.

Language: Sepik Iwam (Iwam, Sepik)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

---

PDF generated using Haiola and XeLaTeX on 18 Apr 2025 from source files dated 31 Aug 2023

5350dc83-93b2-5000-9c98-dcdb728ba84f